

**ქართაის საჯარო ბიბლიოთეკის წლიური განცხადება  
ANNUAL OF KUTAISI PUBLIC LIBRARY**

---

IX

2017

**ტარიელ ფუტკარაძე**

**სვანერი ღიალექტებისათვის ამოსავალი  
ენობრივი სისტემის  
ბგერითი შემადგენლობის შესახებ**

**(რომელი სვანური დიალექტის ფონემატური სტრუქტურა  
ასახავს სვანურისათვის ამოსავალი ენობრივი სისტემის  
ბგერით შემადგენლობას?)**

ქართველურ ენობრივ ველში, რამდენიმე სვანური კილოს გარდა, ერთგვაროვანია ფონემატური სტრუქტურა: ყველა დიალექტში თითქმის იგივე სამეტყველო ბგერებია, რაც იყო არქაულ სამწიგნობრო ენაში; მხოლოდ რამდენიმე სვანურ კილში გვაქვს განსხვავებული ვითარება.

მოკლედ სვანეთისა და სვანური კილოების შესახებ:

სვანეთი მდებარეობს დასავლეთ საქართველოში კავკასიონის კალთებზე; სვანეთი აღმოსავლეთით რაჭა ესაზღვრება, სამხრეთით — ლეჩეუმი და სამეგრელო, დასავლეთით — აფხაზეთი, ჩრდილოეთით — ყარაჩაი და ბალყარეთი. სვანები ანტიკურ წყაროებში მოხსენიებული არიან მისიძინელების სახელით. სვანების თვითსახელწოდება „მუ-შრან“ ბერძნულ ენაზე „მისიმიანად“ გარდაიქმნა (ს. ყაუხჩიშვილი, 1936, გვ. 277-78; ო. მელიქიშვილი, 1965, გვ. 67). (შდრ., მეგრ. შონი „სვანი“, შონეთი „სვანეთი“).

ვახუშტი სვანეთის შესახებ წერს: “ხოლო სვანეთი ემზღვრების ყოვლითგან კავკასიის მთით, და არს რაჭა-ლეჩეუმის ჩრდილოთ და ოდიშის აღმოსავლეთით. და მზღვრის სვანეთს: აღმოსავლით სვანეთსა და ბასიანს შორისი კავკასია; ჩრდილოთ დიდ-ყაბართ-ჩერქეზია და ამას სვანეთს შორისი კავკასია; სამჯრით სვანეთსა და რაჭა-ლეჩეუმს შორისი კავკასი; დასავლით სვანეთსა და ოდიშს შორისი კავკასი და ალანის საზღვარი. წიგრძით არს რაჭის კავკასის თხემიდამ ოდიშის კავკასის თხემამდე და ალანამდე, და განით რაჭა-ლეჩეუმის კავკასის თხემიდამ ჩერქეზის კავკასის თხემამდე, და რაჭისაკენ ვიწრო, ხოლო ლეჩეუმისაკენ განიერი, და მას ქვეით, ოდიშის კერძოდ, უმეტეს განიერი. ამას უდის საშუალება მდინარე თვისი, რომელი იქმნების ბოლოს კაპპეტისა, გამოსდის რაჭის მთას კავკასს და მიდის დასავლეთს-ჩრდილოს შორის. ამ მდინარეს მოერთვიან ამიერ-იმიერიდამ ჰევნი მდინარენი. ხოლო რაჭა-ლეჩეუმის სამჯრით არს ლაშეთი, და ლეჩეუმის სამჯრით და ოდიშის აღმოსავლით არს ეცერი... არამედ სახელი ესე ეწოდა: ოდეს ვერდარა იტევდა ძურძუკეთი კაცთა, მეფებან საურმაგ აჭყარა მუნიდამ და მისცა აქა სავანე და დასხნა სულნი დიდალი. ამის გამო იწოდა სავანეთი... სარწმუნოებით არიან იმერთა თანა ქართულითა და უმეცარნი აწ მისნიცა. ენა თვისი აქუთ საკუთარი, გარნა უწყიან ქართულიცა“ (ვახუშტი, 1941, გვ. 172-173).

სალიტერატურო ქართულისაგან განსხვავებით სვანურს ახასიათებს გრძელი ხმოვნები და პალატალიზებული ხმოვნები; კერძოდ: ბალსზემოურ და ჩოლურულ კილოებში გვაქვს 18 ხმოვანი: **ა, ე, ო, ი, უ, გ; ა, ე, ი, ი, ი; შ, ი, შ, შ, შ, ი.** ბალსზემოური კილო გვაქვს: უშეულში, კალაში, იფარში, მულაში, იელში, წვირმიში, მესტიაში, ლენჯერსა და ლატალში. ჩოლურულ დიალექტზე მეტყველებენ ჩოლურის თემში, რომელშიც შეწდის შემდეგი სოფლები: საყდარი, ჭველიერი, ბულეში, დურაში, თეკალი, მამი, ტვიბი, ლემზაგორი, უკლეში, ფანაგა, ჭველფი, ლეუშერი, მუწდი.

ბალსქვემოურ კილოში გავქვს 9 ხმოვანი: **ა, ე, ო, ი, უ, გ; ა, ე.** ბალსქვემოური მოიცავს: ბეჩოს, ცეუმარს, ეცერს, ფარს, ჭუბერს, ლახამს, ნაკრას, ლუჰას, ლათას და აუარას.

ლაშხურ კილოში გვაქვს 12 ხმოვანი: **ა, ე, ო, ი, უ, გ; ა, ე, რ, ი, ი, ი.** ლაშხურ კილოზე საუბრობს უახუნდერის, სასაშის, ჩიხარეშის, მახაშის, ჩუკულის, იელის, ნაცულისა და ცანას მოსახლეობა.

ლენტეხურში გავქვს 9 ხმოვანი: **ა, ე, ო, ი, უ, გ; ა, ე, შ.** ლენტეხური კილოს არეალია: ხელედი, ლენტეხი, ხოფური, რცხმელური, ხახეში, გულიდა, კახირი, მელირი, ბავარი, ხოფირი, ფაყი, ყვეღრეში.

**როგორც ვხდავთ, გრძელი ხმოვნები** გვხვდება ბალსზემოურში, ჩოლურულსა და ლაშხურში; **პალატალიზებული** ხმოვნები კი ახასიათებს ბალსზემოურს, ჩოლურულს, ბალსქვემოურსა და ლენტეხურს. ყველა დიალექტში გვაქვს ნეიტრალური **გ.**

სხვა ქართველური ზეპირი ქვესისტემებისაგან განსხვავებული სვანურ კილოებს აქვს **მხოლოდ პალატალიზებული ხმოვნები,** რამდენადაც მეორეული გრძელი ხმოვნები ახასიათებს სხვა ქართველურ ქვესისტემებსაც; შესაბამისად, სამსჯელოა ე.წ. უმლაუტიანი ანუ პალატალიზებული ხმოვნების საკითხი:

**ა, ე, შ, ა, ი, ი, ი** გვქონდა თუ არა სვანური მეტყველებისათვის ამოსავალ ენობრივ ქვესისტემაში?

### **პირველ რიგში მოკლედ ამ ხმოვანთა აღმნიშვნელ ტერმინთა შესახებ:**

**ი, ი, შ... გრაფეტებით აღნიშნულ ბერებს ქართულ სამეცნიერო ლიტერატურაში რამდენიმე ტერმინი მიემართება;** რამდენადაც, ერთ-ერთი ფართოდ გავრცელებული ტერმინია “უმლაუტიანი ხმოვანი”, აუცილებლად მიგვაჩნია, ვიმსჯელოთ ჯერ ტერმინი **უმლაუტის** და, საერთოდ, **ამ მოვლენის შესახებ.** წინასწარვე აღვნიშნავთ, რომ სწორედ ტერმინოლოგიური სხვადასხვაობის გამო ბევრ გაუგებრობას ეყრება საფუძველი.

**თაკობ ვრიმმა ტერმინი “უმლაუტი” შემოილო ხმოვანთა ნაწილობრივი რეგრესული ასიმილაციის აღსანიშნავად;** ვ. ვინოგრადოვის აზრით (ვ. იარცევა, 1990), უმლაუტის ცნებაში უნდა მოიაზრებოდეს მხოლოდ ისეთი გადაბერება, რომელსაც შეძენილი აქვს გრამატიკული ღირებულება (ან: უმლაუტგანცდილი ხმოვანი ცვლის ლექსიკურ მნიშვნელობას).

ქართულ სამეცნიერო ლიტერატურაში ტერმინ “უმლაუტით” სხვადასხვა რიგის ფონეტიკურ პროცესს მოიხსენიებენ, მაგალითად, გ. ახვლედიანი უმლაუტით თვლის გაიქცა→გეიქცა, გაუშვა→გოუშვა, ქუთაისი→ქუთევისი პროცესებსაც; იქვე, იგივე მაგალითები განხილულია ასიმილაციაშიც (გ. ახვლედიანი, 1949, გვ. 199, 208).

რა თქმა უნდა, წმინდა ფონეტიკური არსით, უმლაუტი ასიმილაციის ერთ-ერთი სახეა: რეგრესული უმლაუტის ცნებასთან დაკავშირებულია ლექსიკური თუ გრამატიკული მნიშვნელობის ცვლაც, ამდენად, აუცილებელია, მისგან გავშიჩნოთ მორფონოლოგიური ღირებულების არმქონე ფონეტიკური პროცესები, კერძოდ: ქუთაისი→ქუთევისი, გაიტანა→გეიტანა... პროცესები განპირობებულია ხმოვანთკომპლექსის დიფთონგიზაციისკენ სწრაფვით...

უფრო რთული სამსჯელოა მწყერ-მწყარ-, ბერგ-ბარგ- (თ. გამყრელიძე, გ. მაჭავარიანი, 1965, გვ. 162-164), ჭერ-ჭვათ-, (იქვე) სემ-სამ-... (ბ. გიგინეიშვილი, 1980, გვ. 125-126), რეკ-რაკ-... ფუძეებში ა/ე მონაცვლეობის საკითხი.

**წინასწარვე აღვნიშნავთ, რომ უძველეს პერიოდშივე დადასტურებული ეს მონაცვლეობანი უფრო აღტერნაციად უნდა ჩაითვალოს, ვიდრე უმლაუტად, ვინაიდან ყველა ქართველურ ქვესისტემაში უფრო ხშირად დასტურდება ისეთი სახელები, სადაც სახელობითის ი-ს პოვნიერების შემთხვევაშიც ფუძისეული ა უცვლელი რჩება. გარდა ამისა, არაიშვიათია ისეთი შემთხვევებიც, როცა ზმნური ფუძე დასტურდება ე გახმოვანებით, ხოლო სახელური ფუძე — ა გახმოვანებით; შდრ., იგივე: რეკს-რეკვა და რაკ-რაკი-რაკრაკებს, შდრ., ჰ. ფოგტი და ლ. ნოზაძე: რეკ-ს=რაკ-უნ-ი, კვნეტს-კნატუნი ველარული უმლაუტიაო (ჰ. ფოგტი, 1961, გვ. 12). შდრ., აგრეთვე: და-ვ-ძარ-/გავინძერ (ბ. ჭორბენაძე, 1985, გვ. 24).**

ქართულ სამეცნიერო ლიტერატურაში □, □, ჟ, ჸ, რ, ჲ ბგერათა აღსანიშნავად სხვადასხვა ტერმინია გამოყენებული:

ა. შანიძის გამოკვლევაში ერთმანეთს ენაცვლება “უმლაუტები” და “უმლაუტქმნილი ხმოვნები” (ა. შანიძე, 1981, გვ. 321).

ტერმინი “უმლაუტიანი ხმოვნები” გამოიყენება ვ. თოფურიას (1941, გვ. 152-228), მ. ქალდანის (1969, გვ. 2) თ. შარაძენიძისა (1979, გვ. 62, 63, 66) ბ. ჭორბენაძის (1995, გვ. 81, 85) და სხვათა მიერ.

გივი მაჭავარიანი უპირატესობას ანიჭებს ტერმინს: “პალატალური”, ვინაიდან სვანურში ამ რიგის ხმოვნები დამოუკიდებელი ღირებულების მქონე სტრუქტურული ერთეულებია (გ. მაჭავარიანი, 1963, გვ. 139 და 170, გვ. 105...). ამავე ტერმინის გამოყენებას არჩევნ: თ. გამყრელიძე, ა. ონიანი...

თ. უთურგაიძე არჩევს “უმლაუტიზირებულ ხმოვნებს” (თ. უთურგაიძე, 1975, გვ. 12); იხ., აგრეთვე, თ. გამყრელიძე, გ. მაჭავარიანი 1965 გვ. 153.

არნ. ჩიქობავა პარალელურად ხმარობს სამ ტერმინს (“პალატალიზებული”, “უმლაუტიანი”, “უმლაუტიზებული”), მაგრამ გარკვეულწილად, უპირატესობას ანიჭებს “პალატალიზებულ ხმოვანს” (არნ. ჩიქობავა, 1979, გვ. 47-48).

ჩვენი აზრით, მოცემულ ენაში რომელიმე ტერმინის შემუშავება-დამკვიდრების პროცესში აუცილებლად გასათვალისწინებელია, როგორც სხვა ენაში საანალიზო ტერმინის სემანტიკური ასპექტი, ასევე მოცემული ენის შინაფორმაში (სემანტიკურ სტრუქტურაში) ახალი ტერმინის ადგილის ბუნებრიობა. რამდენადაც უმლაუტი, უპირველეს ყოვლისა, პროცესია, ამდენად, თავისთავად ცხადია, □, □, უ... ხმოვანთა აღსანიშნავად ტერმინი “უმლაუტები” მოუხერხებელია. “უმლაუტების ხმოვნები” რუსული და გერმანული ტერმინების პირდაპირი თარგმანია (შდრ., „უმლაუტныє гласныє“-“უმლაუტგანცდილი ხმოვნები” და არა “უმლაუტიანი ხმოვნები”) და ალბათ, ამიტომაც, ეს ტერმინი ვერ დამკვიდრდა ქართულ სამეცნიერო ლიტერატურაში. სემანტიკურად იმავე სტრუქტურისაა ტერმინი “უმლაუტიზირებული ხმოვანი”: უმლაუტიზაციით მიღება არა მხოლოდ ა, ო, უ, არამედ — ე, ა, გ ხმოვნებიც, ამდენად, ვერც “უმლაუტიზირებული“ გამოდგება “მეორეულ” ხმოვანთა ცალსახა დახასიათებისათვის.

დღეს ფართოდაა გავრცელებული ტერმინი “უმლაუტიანი ხმოვანი”. ჩვენი აზრით, იგი საკმაოდ მოუხერხებელია იმისათვის, რომ ერთპიროვნულად ვალიაროთ შესაბამისი ბერების აღმნიშვნელად; შდრ.: უმლაუტის მსგავსი ფონეტიკური პროცესია რედუქცია, ასიმილაცია... არავინ ამბობს “რედუქციანი”, “ასიმილაციანი”... გარდა ამისა, უმლაუტითვე მიღება სვანურ მეტყველებაში და სხვა ენებში ე, ა, გ... ხმოვნები; მაშინ ისინიც “უმლაუტიანები” გამოდის. ჩვენი აზრით, “უმლაუტიანი ხმოვნების” დამკვიდრებას ხელი შეუწყო რუსულიდან უხერხულმა თარგმანმა: “უმლაუტныє гласныє” უხდა ითარგმნოს “უმლაუტგანცდილ ხმოვნებად” და არა “უმლაუტიან ხმოვნებად”.

ამ ტერმინის უხერხულობას გრძნობდა ზოგი მკვლევარი, ამიტომაც შეეცადა, დაემკვიდრებინა ტერმინი “ბალატალური ხმოვნები”; “ბალატალური” ასახავს □, □, უ... ხმოვანთა არს, მაგრამ ვერ მიჯნავს მათ ე და ი ხმოვნებისაგან.

ჩვენი აზრით, უფრო მოსახერხებელი იქნება, თუკი □, □, უ ხმოვანთა ოღსანიშნავად დავამკვიდრებთ ტერმინს — “პალატალიზებული ხმოვნები”; ეს უკანასკნელი ბერებს ახასიათებს როგორც ფონოლოგიური, ასევე არტიკულაციური ასპექტითაც:

ფონემა დიფერენციალურ ნიშანთა კონაა: მათგან, როგორც წესი, ერთი დომინანტურია (შდრ., ნ. ტერტულეციო, 1960, გვ. 45). იშვიათად, განმსაზღვრელი ორი ან მეტი ნიშანი შეიძლება იყოს; ქართულში ე, ი ხმოვნებისთვის დომინანტურია პალატალურობა; არაბავისმიერობა და ლოკალური რიგი დიფერენციალური ნიშნებია, მაგრამ უმთავრესი მახასიათებელი მაინც პალატალურობაა (აწეულობა); ო, უ ხმოვნებისთვის დომინანტურია ლაბიოველარულობა; ა-სთვის - დაბალი აწეულობა. □, უ ბერებისათვის აუცილებელ კომპონენტებს წარმოადგენს, როგორც ლაბიოველარულობა, ასევე პალატალურობა; □-სთვის — ა-ზე მაღალი და ე-ზე დაბალი აწეულობა. სწორედ ამ მომენტის ხაზგასასმელად აუცილებლად საჭიროა, ერთმანეთისგან გაიმიჯნოს პალატალური და პალატალიზებული

ხმოვნები ქართველურ დიალექტებში: პალატალური - ი, ე; პალატალიზებული - ღ, ღა, ჟ.

პალატალიზებული ხმოვნები საკუთრივ ქართულ მასალაში, ფაქტობრივად, არ დასტურდება, თუმცა ტენდენცია მათი პოზიციების გაძლიერებისა აშკარაა. თურქულისაგან ნასესხებ ლექსიკაში პალატალიზებულ ხმოვნებს ქართველთა მეტყველებაშიც უკვე ფეხი აქვს მოკიდებული; შეიძლება ითქვას, რომ ორენოვნების პირობებში არსებული ორი ენის პერცეფციულ ბაზისთა ურთიერთშეღწევის პროცესი თურქეთის საქართველოში მცხოვრებ ქართველთა მეტყველებაში დაწყებულია. ჩვენ მიერ განხილულ პროცესზე უფრო კონცენტრირებული დაკვირვება საინტერესო შედეგებს უთურდ მოვცემს; აქვე აღვნიშნავთ, რომ, ერთი შეხედვით, მსგავს ჩვენებას იძლევა ლაზურის მონაცემებიც. საკითხი სპეციალურ შესწავლას საჭიროებს.

დიალექტური მასალის ანალიზი ცხადყოფს, რომ, სვანურის გარდა, ყველა სხვა ქართველურ ქვესისტემაში პალატალიზებული ხმოვნების ფორმირებისათვის აუცილებელია ორი პირობა:

- ე.წ. “საუმღაუტო პოზიცია”: ჟ-სთვის უი და ღ-სთვის - უე;

**პერცეფციულ ბაზისში ორენოვნების შედეგად პალატალიზებული ხმოვნების ეტალონთა ჩამოყალიბება.**

ის ფაქტი, რომ საკუთრივ ქართულ მასალაში პალატალიზებული ღ არ ჩანს, მრავლისმეტყველია. გარდა ამისა, ქართველთა პერცეფციულ ბაზისში ჟ-სა და ღ-ს ეტალონები თუ არ არსებობს, ჩვენს მეტყველებაშივე არსებულ უი და უე დიფორმნებს ვერ აღიქვამთ ჟ და ღ ბგერებად; იქ სადაც პერცეფციულ ბაზისში ჟ-სა და ღ-ს ეტალონები ჩნდება, უი და უე დიფორმნები პალატალიზებულ ბგერებად აღიქმება.

შდრ., მაგ., ფშაურის მონაცემები:

ფშაურში თავისუფლად მონაცემებს ვე/ო: ხოყანა/ქვეყანა, რამთვენი/რამთონი (გ. ცოცანიძე, 1978).

განსხვავებული საფუძველი აქვს სვანური კილოების პალატალიზებული ბგერების წარმოქმნას: აქ პალატალიზებული ღ, ღა, ჟ, ბგერები ჩნდება იქ, სადაც დაკარგულია ი ხმოვანი, ან, ლაბიალური ბგერის გავლენით ხდება ე-ს დეპალატალიზაცია: ე.წ. უკანა მიმართულების უმღაუტად; ე → ღ → ა ფონეტიკურად დახასიათდება როგორც ლაბიალური (ლაბიოველარული) ბგერის გავლენით გამოწვეული დეპალატალიზაცია; შდრ., აგრეთვე, \*თოკ → თეკუ → თღკუ, დეშდუ → ღღმდუ და სხვა... უკანა მიმართულების უმღაუტით მიღებულად ვერ ჩაითვლება “კრაჭუნი” ტიპის ფორმები (შდრ., ლ. ნოზაძე, 1996; მსჯელობისათვის იხ. ქვემოთ).

ფონეტიკური საფუძვლის მიუხედავად, მოცემული ენობრივი ერთეულის ფონემატურ სტრუქტურაში პალატალიზებული ბგერები ვერ გაჩნდება, თუკი, პირველ რიგში, ამ ენაზე მეტყველთა პერცეფციულ ბაზისში არ ჩამოყალიბდება პალატალიზებული ბგერების ეტალონები. როგორც წესი, დედაენისათვის უცხო ბგერების ეტალონები ჩნდება ბილინგვიზმის დროს, კერძოდ, მაშინ, როდესაც სამეტყველო კოდების შერევა აისახება პერცეფციულ ბაზისშიც; ჩვენს შემთხვევაში, ქართველთა (სვანთა ერთი

ნაწილის) საარტიკულაციო ბაზისში გამომუშავდა საერთოქართველურისათვის უცხო □, □ და უ ბგერათა ეტალონებიც და წარმოთქმის ჩვევაც<sup>1</sup>.

ზემოთ მოყვანილ მსჯელობას ამყარებს შემდეგი სათანადო მაგალითები:

**ფქ ქველ ქართულშივე შენიშნულია ტი→უ პროცესი: შენთტის→შენთუს;**

**შდრ., თანამედროვე დიალექტური მონაცემები: გოგოსთუს, კაცისთუს (ბ. ჯორბენაძე, 1998, გვ. 565);**

**რ იბერიულ-კავკასიურ ენათა სხვა ჯგუფშიც გვაქვს ანალოგიური ფაქტები; მაგ.: ანდიურში ვ-ს მომდევნოდ მოსალოდნელი ი ყოველთვის განიცდის ცვლილებას: წინამაგალი ვ-სთან ერთად გვაძლევს უ ხმოვანს;**

**რ თუკი ენაში ძლიერდება პალატალიზებულ ბგერათა პოზიციები, დისტანციურ პოზიციაში მყოფი ი/ე და უ-ც კი პალატალიზებულ ხმოვნად შეირწყმებიან; შდრ., ინგილოური: ფეტვი→ფეტ და მრავალი სხვა. შდრ., საპირისპირო პროცესი: ქართვ. გობი - სვან. \*გუებ→გებტ.**

ამრიგად, ქართველურ ქვესისტემებში პალატალიზებული ხმოვნები წარმოიქმნება ვე, უი კომპლექსთა შერწყმით, პალატალურ ხმოვანთა ლაბიალიზაციითა და ა, ო, უ ბგერათა პალატალიზაციით იმ შემთხვევაში, თუკი მოცემული საშეტყველო კოდის შემონა საზოგადოების პერცეფციულ ბაზისში ჩნდება პალატალიზებულ ხმოვანთა ეტალონები.

**როდიდან შეიძლება არსებობდეს პალატალიზებულ ხმოვანთა ეტალონები ქართველთა პერცეფციულ ბაზისში?**

სამეცნიერო ლიტერატურაში გამოთქმული მოსაზრების მიხედვით, პალატალიზებული ხმოვნები და უმლაუტი, როგორც ნაწილობრივი რეგრესული ასიმილაცია, **ისტორიულად დასტურდებოდა ქართველურ კილოებში**; მაგ., აკ. შანიძე წერს: ჩვენ აქ შევეცადეთ, ჩამოგვეყალიბებინა სვანური უმლაუტის მთლიანი სისტემა ბალსზემოური მასალის მიხედვით, მაგრამ გზადაგზა სხვა კილოთა უმთავრესი დამახასიათებელი თავისებურებანიც იყო აღნუსხული და დაგრწმუნდით, რომ მიუხედავად დიალექტური განსხვავებისა, ტიპი სვანური უმლაუტისა, ყველგან ერთი ყოფილა“ (ა. შანიძე, 1981, გვ. 270; იხ., ასევე: ვ. თოფურია, 1927; ვ. თოფურია, 1967; ს. უღენტი, 1949; ზ. ჭუმბურიძე, 1960; მ. ქალდანი, 1969; გ. მაჭავარიანი, 1963; გ. მაჭავარიანი, 1970; ა. ონიანი, 1969; თ. შარაშენიძე, 1979 და სხვ... ზანური კილოების შესახებ იხ.: თ. გამყრელიძე, გ. მაჭავარიანი, 1965, გვ. 160-170; ჰ. ფერიანი, ზ. სარჯველაძე, 1990, გვ. 14... სხვა ქართული კილოების შესახებ იხ., ბ. გიგინეიშვილი, 1980; ზ. სარჯველაძე, 1985; ლ. ნოზაძე, 1966... ამ მიმართულებით ერთ-ერთი ბოლო გამოკვლევა: ი. ჩანტლაძე, უმლაუტი როგორც ფონოლოგიური მოვლენა ინდივიდუალურ, თურქულ და ქართველურ ენებში; ორდუს უნივერსიტეტის ჰუმანიტარულ მეცნიერებთა ფაკულტეტის შრომები, 2001).

<sup>1</sup>საპირისპირო პროცესის დაშვებაც ლოგიკურია: როცა ენაში (resp. პერცეფციულ ბაზისში!) ქრება პალატალიზებულ ბგერათა ეტალონები, საარტიკულაციო ბაზისშიც იშლება მათი წარმოთქმის ჩვევაც და უ, ც ბგერათა ნაცვლად ან მარტივ უ და ო, ან კიდევ უ და უ დიფორმაციებს ვიღებთ.

სვანური დიალექტების მკვლევრები საკუთრივ სვანური კილოების უმლაუტის ისტორიაში გამოყოფენ ორ ან სამ პერიოდს:

**მ. ქალდანი (1969, გვ. 143-150):**

I პ ე რ ი ო დ ი — ა-ს უმლაუტი ე-დ ი-ს გავლით და ო, უ-ს უმლაუტი ე, უ და ი ... უ-დ; I პერიოდის უმლაუტი გვქონდა სვანური კილოების ყველა დიალექტში;

II პ ე რ ი ო დ ი — ა, ო, უ-ს უმლაუტი ი, ი, უ-დ, რომელიც გავრცელებულია სვანურის სამ დიალექტში; პირველ და მეორე პერიოდებს შორის სვანური განიცდიდა „რომელიმე არაუმლაუტიანი ენის მჭიდრო და ხანგრძლივ კონტაქტს“, რომელმაც გამოიწვია I პერიოდის უმლაუტის შენელება; **ამ გავლენისგან განთავისუფლების** (ხაზი ჩვენია-ტ.ფ.) შემდეგ სვანურის სამ კილოში უმლაუტი ხელახლა აღორძინდა; ეტყობა, **ლაშეური** არაუმლაუტიანი ენის გავლენას უფრო დიდხანს განიცდიდა...

**გ. მაჭავარიანი (1970, გვ. 96-105):**

I პერიოდი — „ძველი“ უმლაუტი: ყველა სვანურ დიალექტში ყველა ა → ე;

II პერიოდი — „ახალი“ უმლაუტი: ა → ი; ამავე პერიოდში უმლაუტს განიცდის ო, უ, გ ხმონებიც... მეორე პერიოდის უმლაუტი გვქონდა ლაშეურშიც... ამ ორ პერიოდს შორის გვქონდა პარადიგმატული გასწორების პერიოდი, რომლის განმავლობაშიც ნაწილობრივ აღდგა უმლაუტამდელი მდგომარეობა (ე→ა)... პარადიგმატული გასწორების ტენდენცია გვაქვს თანამედროვე სვანურ დიალექტში: განსაკუთრებით ლაშეურში... „სემი“ ტიპის სახელები ე.წ. „ძლიერი ბრუნების“ ნიმუშები არიან, ამიტომ „პარადიგმატული გასწორების“ პერიოდში სემი → სამი არ განხორციელდა... უმლაუტის მეორე პერიოდში ჩამოყალიბდა ახალი პალატალური ხმოვანი ფონემები ი, ი, უ, ი, ე, ე...

**თ. შარაშენიძე (თ. შარაშენიძე, 1970, გვ. 75-72):**

**პირველი პერიოდი** — ა → ი → ე სვანურის ყველა დიალექტში (\*უაღ → უეღ; \*სამი → სემი... \*თქები → თექშ, \*ჟუშები → ჟიშები...);

**მეორე პერიოდი** — ა → ი → ე საკუთრივ ლაშეურში ( $\delta\Box\text{h} \rightarrow \text{ბ}\text{ე}\text{h}$ ,  $\text{დ}\Box\text{m}\text{d} \rightarrow \text{დ}\text{ე}\text{მ}\text{d}$ ,  $\text{ი}\text{l} \rightarrow \text{ი}\text{ლ}$  ...); ე.ი. უმლაუტი მოგვიანებით დაიკარგა მხოლოდ სვანურის ლაშეურ კილოში (თ. შარაშენიძე, 1970, გვ. 64);

**მესამე პერიოდი** — ა → ი → ე ბალსქვემოურში, რომელიც ყველაზე ახალია...

წარმოდგენილ მოსაზრებებთან მიმართებით ჩნდება რამდენიმე წინააღმდეგობა:

1. თუ მ. ქალდანის აზრს გავიზიარებთ და ორი პერიოდის უმლაუტს შორის დავუშვებთ არაუმლაუტიანი ენის გავლენას, გაჩნდება კითხვა, რომელი იყო ის ენა, რომლის **დროებით** გავლენას განიცდიდა სვანური?

2. რა კრიტერიუმებით დგინდება სვანურში „ძლიერი“ და „სუსტი“ ბრუნების არსებობა და რამდენად ბუნებრივია „პარადიგმატული გასწორების“ პერიოდის ორჯერ დაშვება (კერ სვანურის ყველა დიალექტში, შემდეგ კი მხოლოდ ლაშეურში)?

3. ბ□შ → ბეჩ, ნ□ბოზ → ნებოზ, მეგ□მ → მეგემ, დ□შდუ → დეშდუ... მაგალითები უმღაუტის II პერიოდის ნიმუშებად თუ ჩაითვლება, რომელი ხმოვანი მიიჩნევა შემდგომი პალატალიზაციის გამომწვევად, “ი” ხომ უკვე მოკვეცილია? უფრო მეტიც, დეშდუ ფორმაში ტ-ს გავლენით მოსალოდნელი იყო ე → □ → ა! აშკარაა, რომ თ. შარაშენიძის მიერ გამოყოფილი II და III პერიოდის პროცესები უმღაუტების მოშლის, უფრო ზუსტად, პალატალიზებული ხმოვნების მოშლა-გაქრობის ამსახველია, ვიდრე პროგრესული ნაწილობრივი ასიმილაციისა... ამიტომ მათი გათანაბრება პალატალური ხმოვნის გავლენით მომხდარ ა → □ → ე პროცესთან ხელოვნური ჩანს.

### **სვანურის უმღაუტთან დაკავშირებით ჩნდება უფრო ზოგადი ხასიათის კითხვებიც:**

1. თვისობრივად ერთი და იგივე პროცესები არის თუ არა, ერთი მხრივ: სვანურის ყველა დიალექტში დადასტურებული \*სამ → სემ- \*ჟაღ → ჟეღ... და ჭაშ → ჭიშ, ხატ → ხიტ... მეორე მხრივ: თოკი → თეკუ / თეკუ, ფურ → ფირუ... და ტოტ- → ტიტ / ტუეტ, თოფ- → თიფ / თუეფ, აპოდ → აპიდ...

არ არის იმიტომ, რომ პირველი პროცესით თვისობრივად ახალი სამეტყველო ბგერა არ მიიღება; მეორე პროცესი კი დაკავშირებულია პერცეფციულ და საარტიკულაციო ბაზისში პალატალიზებული ხმოვნების პოვნიერებასთან.

2. ეწ. უმღაუტიანი ხმოვნების პოვნიერების პირობებში რატომ განხორციელდა ფურ → ფირუ პროცესი? უფრო მეტიც: □ **მოიშალა და შ განვითარდა?** იხ., მაგ.:

**თოკ → თეკუ → თეკუ (უ-ს გავლენით) ... გვქონდა კი საერთოდ თეკ?**

**ერთადერთი პასუხია შესაძლებელი:**

**იმიტომ, რომ სვანურისათვის უცხო იყო პალატალიზებული ხმოვნები და ბოლომდე მაინც ვერ შეეგუა სვანთა ენობრივი ფსიქოლოგია ამ ბგერებს (დაიწყო პალატალიზებული ხმოვნების მოშლა).**

3. ვინაიდან ლაშეურში ამოსავალი უუმღაუტო ვარიანტები დასტურდება საერთოქარველურ მორფემებში (შესატყვისობის მქონე ლექსიკურ ერთეულებსა და იმ ზმნისწინებში, რომლებიც თანდებულადაც დასტურდებიან), ხომ არ უნდა დავუშვათ, რომ ლაშეურში (ასევე ბალსქემიოურში), სხვა დიალექტების □, □-ს ფარდად, ე, □-ს გამოჩენა შეპირობებულია სამეტყველო კოდების შერევით?

სამეტყველო კოდების შერევისას პალატალიზებულ ხმოვნებს ვერ აღიქვამს ლაშელი და მათ ჩვეულებრივი პალატალური ხმოვნებით გადმოსცემს.

### **წარმოდგენილი კითხვების გამო საკითხისადმი ჩვენეული მიღებობა შემდეგნაირად ჩამოყალიბდა:**

სვანურ კილოებში ნავარაუდევი პირველი და მეორე საფეხურის “უმღაუტი” თვისობრივად სხვადასხვა მოვლენებია; კერძოდ: თუ

**ფონეტიკური პროცესის არაცნობიერებისა და რეგულარობის ფაქტორს**  
(გ. ახვლედიანი, 1949, გვ. 249) გავითვალისწინებთ, თავისი  
არარეგულარულობის გამო, **ქართველურ ქვესის ტემებში**  
დადასტურებული ა/ე მონაცვლეობა ალტერნაციად უნდა ჩაითვალოს:  
შდრ.: სემი / სამი, ჟელ / ძალ, ბარგ / ბერგ... შდრ.: ბარგ-უნ-ს, ბერგ-  
უნ-ს (გ. თოფურია, 1996, გვ. 18.), მწყერ / \*მწყარ...<sup>2</sup>

**პროცესის ალტერნაციად ჩათვლას მხარს უკერს ი ხმოვნის  
მოუკეთებაც სვანურში.**

სვანურის მეორე საფეხურის უმღაუტი კი ფონეტიკურად  
შეპირობებული ფონეტიკური პროცესია.

ქართველური ენობრივი ერთიანობის გვიანდელ პერიოდში ა/ე-ს  
მონაცვლეობას უშვებენ თ. გამყრელიძე და გ. მაჭავარიანიც (თ. გამყრელიძე,  
მ. მაჭავარიანი, 1965, გვ. 159): მათი აზრით, “ლაბილური გახმოვანების  
მქონე ფუქები დიალექტურად იყვნენ განაწილებული”; ჩვენი აზრით,  
საერთოქართველური ა-ს ფარდად სვანურში ე-ს გამოჩენა სწორედ ამ  
საერთოქართველური ფუქების ლაბილურობის ამსახველია და არა ე.წ.  
უმღაუტისა (შდრ., თ. გამყრელიძე, მ. მაჭავარიანი, 1965, გვ. 157).

აქვე უნდა აღინიშნოს, რომ თანამედროვე სვანური კილოების  
ბრუნების პარადიგმაში დადასტურებული ე → □ა, □→ა (იხ., ჟელ →  
ჟალტ, მშრე → მარტ... ტიპის მაგალითები) პროცესები განხორციელებულია  
მიცემითი ბრუნვის ნიშნის ტ-ს გავლენით და ვერ ვიტყვით, რომ  
მიცემითში ამოსავალი ვითარებაა დაცული; აღნიშნული პროცესები  
ჩამოყალიბებულია ე.წ. უკანა მიმართულების უმღაუტად; ე → □ → ა  
ფონეტიკურად დახასიათდება როგორც ლაბილური (ლაბიოველარული)  
ბგერის გავლენით გამოწვეული დეპალატალიზაცია; შდრ., აგრეთვე, \*თოკ  
→ თეკტ → თეკტ, დეშდტ → დეშდტ და სხვა... უკანა მიმართულების  
უმღაუტით მიღებულად ვერ ჩაითვლება “კრაჭუნი” ტიპის ფორმები  
(შდრ., ლ. ნოზაძე, 1996); აქ ჩვენ არც დეპალატალიზაციასთან უნდა  
გვქონდეს საქმე; აღნიშნული ფუქებიც ლაბილური გახმოვანებისაა; უფრო  
ლოგიკური იქნება თუ ვიტყვით, რომ აღნიშნულ ძირთა პარალელური  
ვარიანტები ნაწილდება სახელური და ზმნური ფუქების გასამიჯნავად  
(მსგავსი განაწილების შესახებ იხ., ბ. ჭორბენაძე, 1986; იხ., აგრეთვე, ტ.  
ფუტკარაძე, 1991).

ამგვარად, ა/ე მონაცვლეობა უცხო არ არის ქართველური დიალექტების  
განვითარების არც ერთ ეტაპზე.

ლაშეურში, იშვიათი გამონაკლისის გარდა, მუდამ პირველადი ანუ  
ამოსავალი ხმოვანი გვაქვს დაცული (მ. ქალდანი, 1969, გვ. 23-24);  
ჩვენი აზრით, ლაშეურში უმღაუტის (თუ პალატალიზებული ხმოვნების)  
ადრე არსებობის სამტკიცებლად სამეცნიერო ლიტერატურაში მოყვანილი

<sup>2</sup> შდრ., ი. მელიქიშვილი, 1981, გვ. 81, სადაც ნაფარაუდევია სამი → სომი → სტემი  
→ სემი პროცესი; თუკი ა / ე მონაცვლეობას კომბინატორულ მონაცვლეობად  
ჩავთვლით, მაშინ სახელურ ფუქებში ა ხმოვანი საერთოდ აღარ უნდა შემოგვრჩენოდა...

არგუმენტები დამაჯერებლად ვერ გამოიყურება; **ლაშეურის ძირითად ლექსიკურ ფონდში - საერთოქართველურ მორფებში - ამოსავალი ვითარებაა შენარჩუნებული.**

**უდავოდ მისალები დებულებაა, რომ გრძელი ხმოვნები არც ლაშეურში და არც ლენტებურში პალატალურ ასიმილაციას არ განიცდიან (ა. ონიანი, 1969, გვ. 117);** ბალსზემოურის □/□-ს ნაცვლად ე/□ -ს გამოჩენას კი სხვადასხვაგვარი ახსნა შეიძლება მოექებნოს; კერძოდ: ქართველური შესატყვისობების არმქონე მორფებში (ბეჭ, გებ... ედ-, ენ-, ლე) □-ს ნაცვლად ე-ს დამკვიდრება უნდა აიხსნას სამეტყველო კოდების შერევით; კერძოდ, სხვა დიალექტებში □-თი გახმოვანებული ფუძეები ლაშელთა პერცეფციული ბაზისის მიხედვით ე-დ აღიქმებოდა და, შესაბამისად, ❶ ვარიანტით მკვიდრდებოდა; შედრ.: გამყრელიძე, მაჭავარიანი, 1965, გვ. 155; ა. ონიანი, 1969, გვ. 107, სადაც ენ-, ედ-, ლე- ვარიანტების არსებობა ახსნილია პალატალური-არაპალატალური ოპოზიციის ფუნქციით... თუ ამ უკანასკნელ აზრს მივიღებთ, დაისმება კითხვა: ამდაგვარი ძლიერი ოპოზიცია რატომ არ აღმოაჩნდათ სხვა ზმნისწინებს?

ლაშეურში უმლაუტის არსებობის დასადასტურებლად სამეცნიერო ლიტერატურაში მოხმობილია, აგრეთვე, ვნებითი გვარის ზმნათა ერთი ჯგუფის ფორმებში დადასტურებული -ენ (ორთა ფორმაში: ოხმრენ, ეხმრენ, „მოემზადე“, „მოემზადე“ — ა. ონიანი, 1969, გვ. 118).

ჩვენი აზრით, თუ ლაშეურს ამოსავალი ვითარება არ აქვს დაცული (აქეთკენ გვიბიძგებს ლენტებურისა და ბალსზემოურის მონაცემებიც), ენ/□ და □/ნ (ასევე შლელ) მონაცვლეობანიც სამეტყველო კოდების შერევით უფრო ნაკლები წინააღმდეგობებით აიხსნება, ვიღრე დაუშვებთ რომ ლაშეურში ბალსზემოურის ტიპის უმლაუტის რეკონსტრუქციის დროს წარმოიქმნა. აქვე აღვნიშნავთ, რომ რა წარმატებითაც ფხულ-არ, ბალ-არ.. ტიპის ფორმებში -არ მორფება “ფორმათა გათანაბრების ტენდენციით” მიღებულ მეორეულ წარმონაქმნად შეიძლება ჩაითვალოს, იმავე წარმატებით შეიძლება ვამტკიცოთ ❷ ბოლოხმოვნიანებთან -ელ სუფიქსის გამოჩენა ❶ ბოლოხმოვნიანების ანალოგით; მით უმეტეს, ბალსზემოურის □/რ/ლ-ის დარად, ლაშეურში ყოველთვის გვაქვს -არსალ (მაგალითები იხ.: ა. ონიანი, 1969, გვ. 114-116).

სამეტყველო კოდების შერევის თვალსაზრისით საინტერესო მასალას იძლევა სვანურის სხვა დიალექტებიც; მაგალითად, ფაქტობრივად, ლენტებურში ე-ს მაუმლაუტირებელი ძალის გაჩენაც და გაფართოებაც სამეტყველო კოდების შერევით აიხსნება; კერძოდ, ზ. ჭუმბურიძე წერს: “უმლაუტის გაჩენა მჭიდროდ უნდა ყოფილიყო დაკავშირებული რედუქციასთან. უმლაუტი რედუქციის შედეგად დაკარგვის გზაზე მდგარი ❸ და ❹ ხმოვნების გავლენის შედეგი უნდა იყოს. უფრო ჭველი მდგომარეობის ამსახველი ჩანს ბალსზემოური კილო, ხოლო ლენტებურში ე-ს მაუმლაუტირებელი ძალის გაფართოებასთან უნდა გვქონდეს საქმე, რაც ადვილად აიხსნება ბალსზემოურის (აგრეთვე, სხვა კილოების) გავლენით:

ურედუქციონ ❶ ლენტეხურში უმლაუტს გამოიწვევდა ჯერ ისეთ ფორმებში, როცა ბალსზემოურში შესაბამის შემთხვევაში ❷ დაკარგული იყო რედუქციის ძალით და ამიტომ, უმლაუტსაც ჰქონდა ადგილი... შემდეგ კი, ამ ფორმათა ანალოგით, ურედუქციონ ❸ ლენტეხურში უმლაუტს გამოიწვევდა სხვა შემთხვევაშიც” (ზ. ჭუმბურიძე, 1960, გვ. 158); ლენტეხურში პალატალური ასიმილაციის სისუსტისა და მეორეულობის მიმანიშნებელია ისიც, რომ აქ, როგორც წესი, გრძელი ხმოვნის უმლაუტს ვერ იწვევს რედუცირებული ი/ე-ც (ზ. ჭუმბურიძე, 1960, გვ. 159-160); იქვე მრავლადაა მოხმობილი პალატალიზებულ, პალატალურ და არაპალატალურ ბგერათა შემცველ მორფემათა გვერდიგვერდ (პარალელურად) გამოვლენის ამსახველი მაგალითები.

**შენიშვნა:** სამეტყველო კოდების ურთიერთმიმართება ბევრ საინტერესო ლინგვისტურ, ფსიქოლოგიურ, ეთნოლოგიურ თუ ფოლკლორულ საკითხს სვამს, ამიტომ ქსუ დიალექტოლოგიის სამცენიერო-კვლევითი ინსტიტუტის სამუშაო პროგრამა-ინსტრუქციაში მასზე საგანგებო ყურადღება გვაქვს გამახვილებული.

სვანური კილოების განვითარების თანამედროვე ეტაპზე ბალსზემოურ კილოშიც შენიშნული □/ე მონაცვლეობა (თ. შარაშენიძე, 1979, გვ. 51, 66, 69); სხვადასხვა თაობის მეტყველებაში დადასტურებული რყევა (ახალგაზრდებში ეს გამოჩენა ინტენსიურდება!) გამოიწვეულია ქართული სალიტერატურო ენის გავლენით, კერძოდ, პერცეფციულ ბაზისში პალატალიზებული ხმოვნების ეტალონთა მოშლის ტენდენციით; რყევა ძლიერია ლახამულურში: ტა/ო, □/ე, ა/ე... □→ე, ტე→ე პროცესების შესახებ იხ., ქალდანი, 1955, გვ. 148-185.

პალატალური უმლაუტი დღეს არსებითად მკვდარია მთელ სვანურში (გ. მაჭავარიანი, 1963, გვ. 149), ხოლო ლაბიალური ასიმილაცია თითქმის ყველა ქართველურ ქვესისტემაშია. ეს მეტყველებს იმაზე, რომ **ქართველური დიალექტები ვერც მეორეულ პალატალიზებულ ხმოვნებს და ვერც პალატალურ ასიმილაციას საბოლოოდ მაინც ვერ გუბენ.**

აშკარაა, რომ **ქართველურ კილოებში** პალატალიზებული ხმოვნები შ, ქ, ჭ, ჲ, ჵ, ჸ, ჴ მეორეული წარმოებისაა და ისინი ჩამოყალიბდა პალატალიზებული ხმოვნების მქონე ენის გავლენით. შეიძლება დავუშვათ, რომ **პალატალიზებულ ხმოვანთა რიგი** სუპერსტრატული მონაცემია; მათი ფორმირება შეიძლება დავუკავშიროთ ან მეფე საურმაგის მიერ ძვ.წ.აღ. III საუკუნეში ჩრდილო კავკასიიდან - დედულეთიდან - მომე “კავკასიის ნათესავთა” წამოყვანას და “დიდოეთიდან ვიდრე ეგრისამდე” დასახლებას (ქართლის ცხოვრება, 1955, გვ. 27), ანდა, **ჩრდილო კავკასიაში არსებული თურქულენოვანი მეზობლების (კარაჩაელებისა და ბალყარელების) გავლენას.** დამხვდურ ქართველურ ტომებთან ასიმილაციის შემდეგ, მათი სამეტყველო ენის კვალი სუპერსტრატის სახით აისახა ქართველური დიალექტების ფონეტიკაში; კერძოდ: მოხეურისა და სვანურ დიალექტებში პალატალიზებულ ხმოვანთა ეტალონების გაჩენა შეიძლება აიხსნას სწორედ ამ ერთგვაროვანი გავლენით; შდრ.: სვანურსა და მოხეურს აერთიანებს, აგრეთვე, ხალხური სიმღერების ერთგვარი არქიტექტონიკა (იხ., მ. შილაკაძე, 1988).

ჩვენს მოსაზრებებს უჭერს მხარს მთის კავკასიის ენებში პალატალიზებულ ხმოვანთა არსებობის ფაქტიც და, რაც მთავარია, მთის იბერიულ-კავკასიურ ენებში რეგრესული ნაწილობრივი ასიმილაციის - უმლაუტის - სვანურის ანალოგიური სისტემების არსებობა (იხ., დ. იმნაიშვილი, 1977, გვ.168; ვ. შენგელია, 1983 და სხვ..., შდრ., ა. დესნიცკაია, 1981).

ყოველივე ზემოთქმული საფუძველს გვაძლევს, ვთქვათ: ქართველურ დიალექტებში “საფეხურებრივი უმლაუტი” არ დასტურდება. უმლაუტად ჩაითვლება მხოლოდ ჭაში→ჭიშ და დეშდუ→დშდო ტაბის პროცესები.

### **მხელობა ასე შეიძლება შევაჯამოთ:**

უძველეს ქართველურ ტომთა დიალექტებიდან საერთოქართველური ენა (ქენობრივი კონი) ყალიბდება ქართველური მოდგმის მიერ კოლხურ-ყობანური კულტურის შექმნის დროს - ძვ.წ. II ათასწლეულის შუა პერიოდიდან ძვ.წ. I ათასწლეულის I ნახევრამდე. ძვ. წ. I ათასწლეულის II ნახევრაში ჩანან შემდეგი ქართველური თემები: მუშქები/მესხები, დაიანელები/ტაოხები, კოლაელები, ტიბარენები, იბერები/სასპეირები, ქუთები/კვიტები, კორაქსები, ჰალიძონები/ხალიბები, ხალდები/ქალდები, მაკრონები, ფასიანები, ეკრიკტიკეს მცხოვრებნი, ჰენიოხები, სანები, სანიგები/სანიკები... (ტ. ფუტარაძე, 2005, გვ. 250-252).





ქართველური ენობრივი სამყაროს თითქმის ყველა ცნობილი მკვლევარი მიიჩნევს, რომ თანამედროვე ქართველურ ენა-კილოთა ამოსავალ საერთოქართველურ მოდელს ძირითადად მიჰყება ქართული სამწიგნობრო ენა. პირველ რიგში დავიმოწმებთ არნოლდ ჩიქობავას დასკვნას:

“ჭანურისა და მეგრულის ფონეტიკურ-მორფოლოგიურ-სინტაქსურ მოვლენათა ანალიზისას ცხადი და ხელშესახები ხდება ამ მოვლენათა ისტორიული წარსული და გენეტური ურთიერთობა, როცა ამოსავლად გამოყენებულია ქართული ენა”. 1948 წელს კი არნ. ჩიქობავა წერს:

“ზანური (მეგრულ-ჭანური) ქართული ენის ტრანსფორმაციას წარმოადგენს; სვანური, თავის მხრივ, გარევული “აგრეგატია” ზანურისა და ადიღეური ენების კომბინირებით მიღებული”.<sup>1</sup>

თ. გამყრელიძისა და გ. მაჭავარიანის ვარაუდით, საერთოქართველურში აღდგენილი ფუქები ძირითადად ემთხვევა სამწიგნობრო ქართულის მონაცემებს - მათ მიერ რეკონსტრუირებული ფუქენის ფონემატური სტრუქტურა ნაწილობრივ განსხვავდება ქართული სამწიგნობრო ენის მონაცემებისაგან; კერძოდ, მათი აზრით, საერთოქართველურში უნდა აღდგეს ფონემათა სამი კლასი: თანხმოვნები (ჩქამიერები, სონორები), ა, ე, ო ხმოვნები და \*ი/□, \*უ/ვ, \*მი, \*ნი, \*რი, \*ლი სონანტი ბგერები. თანხმოვანთა შორის კი სიბილანტურ სპირანტთა და აფრიკატთა მესამე რიგიც.

მ. ქურდიანის აზრით, სამწიგნობრო ქართულისაგან განსხვავებით საერთოქართველურში უნდა აღსდგეს მხოლოდ სიბილანტურ სპირანტთა და აფრიკატთა სამი რიგი: ძნე ცნობილი ზნე სნე

მ. ჩუხუას აზრით, გვიანდელ საერთოქართველურში აღდგება მხოლოდ სიბილანტთა ორი რიგი (თუმცა, უფრო აღრეულ პერიოდში შიშინა სიბილანტების ორგვარ წარმომავლობას ვარაუდობს).

არქაულ სამწიგნობრო ენაშიც და თანამედროვე ქართველურ ზეპირ მეტყველებებშიც არსებობს ი/□ და უ/ვ სონანტები; შესაბამისად, ვფიქრობთ, ლოგიკურია, საერთოქართველურშიც დავუშათ მათი არსებობა; ჩვენი აზრით, საერთოქართველური ფონემატური სტუქტურა ასე შეიძლება აღსდგეს:

ხშულები: \*ბ, \*ფ, \*პ; \*დ, \*თ, \*ტ; \*ქ, \*ც, \*წ; \*ქ, \*ჩ, \*ჭ; \*გ, \*ქ, \*კ; \*ქ, \*ყ;  
ნაპრალოგნები: \*ზ, \*ს; \*უ, \*ძ; \*ღ, \*ხ; \*ჰ, \*ჸ;

სონორები: \*მ, \*ნ, \*რ, \*ლ;

სონანტები: \*ი/ვ, \*უ/ვ;


ხმოვნები: \*ა, \*ე, \*ო.

ვფიქრობთ, ლაზთა, მეგრელთა, იმერხეველთა, მესხთა, კახთა, სვანთა, ჰერთა, ფხოველთა და სხვა ქართველთა ამჟამინდელი საშინაო მეტყველება (კილოები) სათავეს იღებს წელთაღრიცხვათა მიჯნიდან. საყურადღებოა, რომ სწორედ ამ დროს ჩნდება მათი სხელები ისტორიულ წყაროებშიც. დასახელებული ქართული თემების ერთ ერად კონსოლიდაცია ხდება ქუჯისა და ფარნავაზის მიერ შექმნილ სახელმწიფოში; მათ ერად ძერწავს საერთოქართველური ენის ბაზაზე შექმნილი ქართველთა სამწიგნობრო ენა.


**დიალექტურ მეტყველებებში სხვაობა კი უნდა აიხსნას გეოგრაფიული იზოლაციითა და გარე გავლენებით:** დღევანდელი სვანური კილოების მეტად განსხვავებულობა საერთოქართველური ენობრივი მოდელისგან შეპირობებულია არა სვანურის სიძველით, არამედ კავკასიონის ქალთებზე სხვა იბერიულ-კავკასიურ, თურქულ და ალანურ ტომთა ხშირი მიგრაციებით; ამ პროცესებმა ქართველური ენის სვანურ მიკროსისტემებში სტიმული მისცა მრავალფეროვან ფონეტიკურ პროცესებს. სვანთა მეტყველებაში დიდია სუპერსტრატულ მოვლენათა კვალი ფონემატურ სტრუქტურასა და მორფოლოგიურ ინვენტარშიც კი.

**ასე რომ, ყველა ძირითადი ქართველური ქვესისტემა ერთი ასაკისა; მათი ცვლილებები კი შეპირობებულია სხვადასხვა რანგის გავლენებით (შერვებით) და იზოლაციისა თუ სამწიგნობრო ენის გავლენის ხარისხით.**

შდრ., სამეცნიერო ლიტერატურაში ქართველური ენობრივი ერთეულები სხვადასხვა ასაკის წარმონაქმნადაა მიჩნეული; **იხ., მაგ., გ. დეეტერსის სქემა:**



**სრულიად განსხვავებულია არნ. ჩიქობავას დაშვება:**  
**ცნობილი კავკასიოლოგი მიიჩნევს, რომ ქართულის ტრანსფორმაციითაა მიღებული ზანური; ზანურისა და მთის კავკასიური ენების შერევით კი - სვანური; არნ. ჩიქობავას სქემა დაახლოებით ასე გამოიყორება:**




საერთო ქართველური ენა -> ქართული სამწიგნობრო ენა

არნ. ჩიქობავა თვლის, რომ საერთოქართველური უშუალოდ გააგრძელა ქართულმა ენამ; ქართულს გამოეყო ზანურ-სვანური დიალექტური ჯგუფი, რომელიც შემდეგ დაიშალა უმწერლობო სვანურ და ზანურ ენებად. არნ. ჩიქობავასვე აზრით, ქართული ენა არის ყველა ქართველის (მათ შორის, მეგრელ-ლაზ-სვანების) დედაენა:

“მეფის მთავრობის ცდა (მეცხრამეტე საუკუნის მეოთხმოცე წლებში) მეგრულად შემოედონ სწავლა სამეგრელოს სკოლებში და მით ქართული ენა სამეგრელოს სკოლებიდან განედევნა, მარცხით დამთავრდა: ოუდედა-ენას ასწავლიდნენ ქართველ ბავშვებს სკოლაში, ეს ენა ქართული იყო ყველა ქართველი ტომისათვის” (ხაზი ჩემია - ტ.ფ.).

**შდრ., მ. ქურდიანის სქემა:**



ჩვენი აზრით, **ქართველთა ენობრივი სამყაროს ისტორია**  
სქემატურად ასე შეიძლება გამოვსახოთ:



**ქ.წ. II-I ათასწლეულებში არსებულ საერთოქართველურ ენას** აგრძელებს ქართველთა არქაული სამწიგნობრო ენა; მისი უშუალო გაგრძელებაა თანამედროვე სამწიგნობრო ენა; ამ სამწიგნობრო ენასთან ახლო თუ დისტანციური კონტაქტით ვითარდებოდნენ ქართველური ზეპირი მეტყველებები, რომელთა ცვლილების ხარისხს განსაზღვრავდა სამწიგნობრო ენის ველის ზემოქმედების სიძლიერე. საკუთრივ სვანური კილოებიც მომდინარეობს არქაული ქართულისაგან, რასაც ცხადყოფს სვანური კილოების ფონემატური სტრუქტურის ისტორია, სვანურ კილოებში შემონახული ხანებით და სხვა ენობრივი მოვლენები; ასევე, ის ფაქტიც, რომ სვანეთში დღემდე უცვლელადაა დაცული წარმართული შელოცვების ენა, რომელიც დიდად არ განსხვავდება ძველი ქართული საეკლესიო მწერლობის ენისაგან.

სქემაზე ძირითადი ხაზი - ხის ღერო - საერთოქართველურიდან მომდინარე სამწიგნობრო ქართულია; მის გარშემო რკალს ქმნიან სამწიგნობრო ენის მასაზრდოებელი ქართველური დიალექტები, ხოლო სამწიგნობრო ენის მიზიდულობის ველი გამოვსახეთ ზამბარისებრი წრებრუნვით.

**ბოლოს, რაც შეეხება სტატიის სათაურში დასმული კითხვის პასუხს:**

სვანური კილოებისათვის ამოსავალი ფონემატური სტრუქტურა დაცული აქვს **ლაშეურის**, რომელიც უფრო ახლოსა ასერთოქართველურთან, ვიდრე სხვა რომელიმე სვანური კილო.

## დამოწმებული ლიტერატურა

- გ. ახვლედიანი, 1949** - გ. ახვლედიანი, ზოგადი ფონეტიკის საფუძვლები, თბ., 1949.
- თ. გამყრელიძე, გ. მაჭავარიანი 1965** - თ. გამყრელიძე, გ. მაჭავარიანი, სონანტთა სისტემა და აბლაციი ქართველურ ენებში, თბ., 1965.
- ბ. გიგინეიშვილი, 1980** - ბ. გიგინეიშვილი, "სახისმეტყველის" ქართული თარგმანის ერთი ადგილის გაგებისათვის, მრავალთავი, VII, თბ., 1980.
- ა. დესნიცკაია, 1981** - А.В. Десницкая, К типологии явлений умлаута, ქრებული აკაკი შანიძეს, თბ., 1981.
- გ. თოფურია, 1967** - გ. თოფურია, სვანური კილოები, I, ზმნა, თბ., 1967.
- გ. თოფურია, 1979** - გ. თოფურია, მცენარეთა სახელწოდების შესწავლისათვის ქართველურ დიალექტებში, შრომები, III, თბ., 1979.
- გ. თოფურია, 1996** - გ. თოფურია, ქართველურ ენათა ლექსიკიდან, III, არნ. ჩიქობავას საკითხავები, თბ., 1996.
- გ. იარცევა, 1990** - Н. Я. Ярцева, лингвистический Энциклопедический словарь, М., 1991, гл. ред.
- დ. იმნაიშვილი, 1977** - Д. С. Имнаишвили, Историко-сравнительный анализ фонетики нахских языков, Тб., 1977.
- გ. მაჭავარიანი, 1970** - გ. მაჭავარიანი, უმლაციტის ისტორიიდან სვანურში, იკე, XII, თბ., 1970.
- გ. მაჭავარიანი, 1963** - გ. მაჭავარიანი, ხმოვანთა სისტემის დახასიათებისათვის სვანურში, თსუ შრომები, 96, თბ., 1963.
- ი. მელიქიშვილი, 1976** - ი. მელიქიშვილი, მარკირების მიმართება ფონოლოგიაში, თბ., 1976.
- ი. მელიქიშვილი, 1981** - ი. მელიქიშვილი, ქართველურ ენათა ორი იზოლირებული ბეგრათფარდობის ახსნისათვის; თზეს, VI, თბ., 1981.
- ნ. ტრუბეცკო, 1960** - Н. С. Трубецкой, Основы фонологии, М., 1960.
- თ. უთურგაიძე, 1976** - თ. უთურგაიძე, ქართული ენის ფონემატური სტრუქტურა, თბ., 1976.
- ჰ. ფოგტი, 1961** - ჰ. ფოგტი, ქართული ენის ფონემატური სტრუქტურა, თბ., 1961.
- ტ. ფუტკარაძე, 1991** - ტ. ფუტკარაძე, ღერუ→ღრუ, ყურუ→ყრუ ტიპის პროცესებისათვის ქართულში, ეტიმოლოგიური ძიებანი, თბ., 1991.
- ტ. ფუტკარაძე, 2005** - ტ. ფუტკარაძე, ქართველები, თბ., 2005.
- მ. ქალდანი, 1969** - მ. ქალდანი, სვანური კილოების ფონეტიკა (უმლაციტის სისტემა სვანურში), თბ., 1969.
- აკ. შანიძე, 1981** - აკ. შანიძე, უმლაციტი სვანურში, თხზულებანი, II, თბ., 1981.
- არნ. ჩიქობავა, 1979** - არნ. ჩიქობავა, იბერიულ-კავკასიური ენათმეცნიერების შესავალი, თბ., 1979.
- გ. ცოცანიძე, 1978** - გ. ცოცანიძე, ფშაური დიალექტი, თბ., 1978.

- ჭ. ჯაფარიძე, 1975** - ჭ. ჯაფარიძე, პერცეფციული ფონეტიკის ძირითადი საკითხები, თბ., 1975.
- ბ. ჯორბენაძე, 1985** - ბ. ჯორბენაძე, ქართული ენის ფაკულტატიური გრამატიკის საკითხები, თბ., 1985.
- ბ. ჯორბენაძე, 1989** - ბ. ჯორბენაძე, ქართული დიალექტოლოგია, I, თბ., 1989.

## TARIEL PUTKARADZE

ON THE MATTER OF SOUND COMPOSITION OF ORIGINAL LANGUAGE SYSTEM OF SVANETIAN DIALECTS (WHICH PHONEMIC STRUCTURE OF SVANETIAN DIALECT REPRESENTS THE COMPOSITION OF ORIGINAL LANGUAGE SYSTEM OF SVANETIAN SPEECH?)

**Common Kartvelian phonemic structure** can be restored in the following way:

Labials: \*b, \*p, \*p; \*d, \*t, \*t; \*dz, \*ts, \*ts; \*j, \*ch, \*tch; \*g, \*k, \*k; \*kh, \*k;  
 Fraudulents: \*z, \*s; \*j, \*s; \*r, \*x; \*h;  
 Sonors: \*m, \*n, \*r, \*l;  
 Sonants: \*i/oi, \*u/v;  
 Vowels: \*a, \*e, \*o.

Presumably, common Kertvelian language existing between II-I centuries BC is continued by archaic literary language of Georgia; its linear part is the modern literary language. Kartvelian verbal speeches were developed in a close or distant contact with Georgian literary language, the quality of their changes were defined by the influence of the literary language frequency. We think that the domestic speech of the lazi, Mengrelian, Imerkhevian, Meskhs, Kakhetians, Svans, Hers, Fkhovelians, and others originate from the edge of B.C. and A.D.

Consolidation of the named Georgian communities take place in the state founded by Kuji and Parnavaz; they are sophisticated by Georgian literary language formed based on the common Kartvelian language. We can stipulate that it's more than 15 centuries the verbal Kartvelian idioms exist in parallel mode with the literary language; accordingly, **all the main Kartvelian sub-systems known for us are of the same age; the changes are conditioned by immanent changes and by the assimilations of different kind. The quality of immanent changes are determined by the influence level of the literary language. The history of Georgian language world** can be graphically represented in the following way:

## Georgian literary language

Kartvelian dialects

Kartvelian dialects


## Common Kartvelian language

The main link on the scheme - the trace from common Kartvelian language; it is Kertvelian dialects nourishing the literary language is shown in a form of spring ro

Most different from the literary language peculiarities of Svanetian dialect should be outer influences as well; in particular, the dialects from the common Kartvelian language of Svanetian, but by the frequent migrations of tribes on the planes of Caucasus mountainair phonetic processes in Svanetian micro sys

The trace of superstratic occasions in phonemic structure and even in morphology

Basic phonetic structure of Svaneti is closer to the common Kertvelian langu



non Kartvelian language